

OMUKUETU

N:o 7

JULIE

1951

CITULUKA!

Mark. 7:31-37.

JESUS NOKUA LI TE ENDAENDA NIILAN-
NDO AJIHE NOMIKUNDA, OKUA LONGO
AANTU MOOSINAGOGA DAUO, NOKUA UVI-
CA EVANGELI LJOSHILONGO, NOKUA ALUDA
AAVU JAUO NO KEHE TUU OSHIPONGA.
MAT. 9:35.

EIMBILO.

(Mat. 4:17; Mat. 9:35)

Kalunga, He juujelele,
Oje na simane,
Oje sho kue tu tumine
Jesus, Epona lja.

OJesus okua uvica:
"Itedululeni!
'Shilongo sho sha Kalunga
sha heda popep."

Oje okue tu longo uo
tu hoolacaneni;
ngashika Tate ku li po,
tse uo tu kaleni

Omukulili a aluda
omavu getu uo.
Na oondjo e di humbara
nokue di dimi po.

Omukuaci ngu o. uhooolike
natango ku li po.
Nangoje uo ando u je
u mone ehupico.

Eeno, oJesus, nga ne ngu
pungoje ndi li mp. u.
Omuenjo nosho olutu ndu
'luhe lua jonana.

Jaloo, Omuaa, sho ku na mpo
to ekelehi ndje.
Pungoje ndi nefudiro.
Pungoj' te tindile.

Tu tangeni Omukuli i
meaadimo lja He,
nosho Ombepo Ondjapuki
tu mu pandulilile!

Eui: d / d t d m / r r d
1

d / f m d r / m

m / m f s m / d r m

m / r d d t / d
1

Oohapu doteksti tadi hokolola oshilongankumue.
Omuna okue shi ningile ombolo, opo Kristus a kale
ti iholola, nkene oje tuu Omukulili nguka te tu ma-
ngulula mond abi jondiaboli.

Oshiponga shomulumentu nguka omukueji, nguka
ihu uvu ko, no ita vulu okupopja, osho oshilonga sho-
ndiaboli. Uujuni otau diladila iiponga ja tja ngaaka ojo
ojonshitue ouala, oshoka uujuni inau tseja ondiaboli
nkene ota longo iilonga iuinaji, no ta pjaganeke no
ta puidukica aantu, no te ja undulile iiponga kolutu
no komuenjo, aantu opo ja sile momaluhodi nojo jaa
mone ekuaco netalaleko lja sha. Ihe aakriste oje no-
kutala iiponga ja tja ngaaka otaji zile mondiaboli. Oje
tuu a hala okujona po ajihe no akuhe.

Otu nokuhambelela Kalunga nguka e tu sile ohe-
nda nokue tu pe iiljo ajihe ji li naua. Omuntu kehe
oku nokutseja kokuta omeho nomakutsi niikaha no-
magulu inaga holoka ouala, aue, iiljo ajihe ojo omaga-
no ga Kalunga. Uujuni sho itau shi tseja, no itau shi
itaale. Kalunga oku nokuzimina ondiaboli a denge
gumae nuuposi, gumue a ninge ombolo na gumae a
dipagne nokuli, opo aantu ja mone, ojo iilonga jo-
ndiaboli, no ja kale taa hambelele Kalunga ngoka e
tu gamene kiiponga ja tja ngaaka.

Osho uo oshilonga shondiaboli elongo ljiifundja
sho tali posipaleke oomuenjo daantu, ojo jaa taambe
ue oshili. Iilonga ja Kalunga ojo ajihe iuanaua. Ihe
ondiaboli oje omuiinaji, noje ota longo uuinaji aue,
mpoka Kalunga te shi mu zimine.

Kalunga ota gandja omuenjo, noje ota gandja
olutu lu niiljo jo opaka, ihe omutondi ote lu jono po
shaa mpoka Kalunga te shi zimine. Omutondi oha
puidukile aantu ajehe, uunene aakriste.

Ihe Omuna gua Kalunga okua holoka
a hanagule po iilonga jondiaboli. 1 Joh. 3:8.
Ondiaboli e ja moparadisa a jone po aashitua ja Ka-
lunga. Ihe Omuna gua Kalunga e ja, a denge omutondi
ngu. Oj okue ja, a alude no a kale to opaleke shoka
sha jonua komutondi. Oje e ja a jone po ondiaboli
muene niilonga je, a hanagule uulunde neso noheli.
Oje ota mangulula uo omalaka ga mangua ku satana,
noje ota cituluka omakutsi ga citikua ku satana. Osho
oshi, on a sha Kristus, osho e shi endele, nasho ote
shi longo natango mokati kaakriste.

Omakutsi gopalutu nelaka ljomokana, oje ota vu-
lu oku li gandjela aapagani uo, ihe aakriste otaa ci-
tuluka omakutsi gokomuenjo uo, no taa mangululua
elaka ljopambepo. Elaago ljetu otali zile moohapu da
Kalunga, onke ano osho oshikumica oshinene noshi-
longa oshianaua, Kalunga nge ta gandja omakutsi ga
hokua okupulakena oohapu de, nelaka tali vulu oku
mu simaneka.

Aatondi jetu aakatoliki ojo oombolo ja tjangaaka,
ihaju uvu oohapu da Kalunga, nosho uo aajuda mboka
inaa itaala oohapu ontoje da Jesus. Osho ngeji aje-
he mboka kaje neitaalo, ojo aaposi noombolo natango.
Elaka ljauo itali vulu sha shiili, otali sheke ouala Ka-
lunga noohapu de.

Ihe mboka je hoole kupulakena oohapu da Kalu-
nga, omboka Jesus te ja lombuele: „Cituluka”, ojo
otaa mono ekuaco tali ja gamene komutondi. Kalunga
ine tu pa iikuaca jilue joku tu fala megulu, oohapu
devangeli odo adike. Ngoka te di taamba, no e di
hoole, oje ota ka mona ekuaco. Oshikumica sha tja
ngaaka hashi monika megongalo shaa esiku, omakutsi
ga citikua kuulunde no komutondi sho taga cituluka,
no tatu vulu okupulakena oohapu da Kalunga.

Oje ota gumu kelaka uo tu uape okupopja. N o-

kuitaala nomuenjo oto uwicilua nokuhe-mpulula nokana oto hupicua. Room. 10:10. Ngoka ti itaale Kristus no a dimina po oondjo de, oku noku shi hempulula uo kaa kale ue ombolo, aue, eitaalo ljomomuenjo oli noku hoholola uo nelaka. Inima mbika iijaali: eitaalo, nehempululo ljaljo ojo taji ningi omuntu omukriste. Noshilonga shino Omuaa Jesus ote shi longo natango shaa ciki megongalo.

Nando Omuaa Jesus okua jamuda Lasarus noohapu douala, nokua aluda omusilombanda neiaka tuu ndi: cikama, ngu ende, ompaka okua longo iilonga ojindji. „Okue mu kuca maantu, okua tsu ominue de momakutsi ge, a hiji omajeje, nokua gumu eiaka lje, nokua ligamene kegulu, a fuda olule”, opo te mu lombuele: „Cituluka.” Inima mbika ajihe taji tu hololele omakutsi ga cituluka nelaka lja manguluka omuntu ote li peua kokupulakena ewico ljoohapu, ihe oku nokukala omadidiliko taga monika uo, oohapu pamue nomasakramenti. Otu nokupulakena oohapu da Kalunga, no katu nokudina esakramenti lëshasho no ljuulalelo, opo Ombepo ja Kalunga taji citulula omakutsi getu no taji mangulula eiaka ljetu.

Kehe ngoka na pulakene ano naua oohapu da Kalunga, oshoka omo amuke Kalunga ti iholola ku ngoje, no ngashi nomomasakramenti uo. Otu nokupulakena aauvici jooohapu da Kalunga, ihe Kalunga etu pe uo aakuluntu jetu ootate noomeme tu ja uve uo, nge taje tu pukulula nomapukululo kage nondumbo na Kalunga, oshoka Kalunga oku nokupulakena komeho gaantu. Andola kua tija, Kalunga muene otu uvica mongerki jontumba, ando aantu ajhe otaa tondokele ko. Ihe ito pumbua okua kokule. Uuva omusita guaandjeni, uva oho na njoko, opo to uvu ndje, oshoka oje aalongua jandje nomalenga gandje. Ongoje nge to ja uvu, ongame tuu tandi popica omuenjo guoje, omakutsi goje ga cituluka nelaka ljoje li manguluke.

Ihe ongini ano, aanona naagundjuka sho inaa hala okuuva aakuluntu jauo, noshu uo aantu inaa hala okuvulika kepangelo ljosihilongo. Nojendji jomegongalo inaa hala okupulakena ewico nomuenjo hagu taamba sha. Opo mpoka omutondi oku nompito okucitika omakutsi nokumanga elaka nomageelo omadigu, omavu, nondjala, niira oji nokulandula uo.

Onke ano Omuaa Jesus otr fuda no ta ti: Cituluka. Oje a soluhodi, aantu sho inaa hala okukucua, opo ja manguluke moonkanlja donliaboli.

Tu didilikenani ano naua oshilonga shino Omuaa te shi ningi, sho ta citulula omakutsi no ta mangulula elaka noohapu de nomasakramenti ge. Omo amuke Ombepo ja Kalunga taji longo, onke ano tu ji taambeni nomuenjo aguhe omakutsi getu ga cituluka nelaka ljetu li manguluke.

Martin Luther.



OMUSITA

ALFEUS KANGAI

okuu mana oondjenda de 17.6.1951. Oje okua li omugundjuka natango, opo a piti moskola juusita ku Elim 1949. Oshilonga she e shi peua kOkavango megongalo ljo Kuring-Kuru. Otua de lila pantu, oje oku nomasiku ogendji natango gokulonga mepja ljoOmuaa, ihe nani hasho. Okua kua na kolubi no ina aluka ue.

Kalunga e mu tala ongoshilja sha toka nokue mu pungula moshigadi she. Okua si e neitaalo lja kola okuinekela esilohenda lja Kalunga mu Kristus, onke tu netegameno li nomuenjo, otatu ka monacana naje pu Jesus omolu ombinzi je.

Onandjokue omimvo 40.

Aasuomi sho ja ciki kaaambo, oja mono nkene aantu oje ii po taa hepa. Uupagani ua dipaga oomuenjo dauo, uvu vindi uo hepeke omalutu gauo. Aahongi oja kambada oku ja kuaca oombinga adihe, om enjo noi tu. Ihe o a mono ngashika aa apostoli jonale, (Iil. 6:2) iaa vulu ue okuguanica a ihe, iilonga sho a tameke okuninga ojindji. Onke oja indile aasuomi naa tume omudoktora okupanga aavu.

Ihe Kalunga okua mono uo oompumbue daantu je. Oje muene pecimbo tuu ndjoka okua icana omugundjuka gumue moshilonga shika. Oje ina icana omulumentu a kola, e nedina, aue, okua hogolola omukadona omushona, opo oonkondo de muene di monike mu nguka omukeenankondo.

Selma Rainio muugundjuka ue okua hungu he omimvo mbali. He omusilombanda, okua li ta pumbua ekuaco uusiku nomutenja. Selma a diladila: „Andola ngame omudoktora, andola ndi tseje naua, nkene omuvu e nokukucua.” He sho kua man' oondjenda, Selma okua ji moskola nokua longua mo, sigo a ningi omudoktora.

Ihe Ombepo ja Kalunga okua uuca ondjila ja Selma Rainio. Manga okua kala moonasaresa okulongua omutenja, okua peua eha okuhungila nokulala megumbo ljomuselekadi Ida Veikkolin. Cje okue mu hokololele okusa kuom samane kua, nkene okua man' oondjenda kokulekule mu Afrika, manga okua ii ko a hala okuuvicila aapagani evangeli. Selma okua pulakene, a diladila isheue: „Andola omudoktora gumue a kala kOu mbo, andola Veikko in naaumua aakua mboka ja sile mo, oja pangua, no ja tsikile iilonga jauo sigo muukulupe nauo.”

Ihe sho kua uvu aambo uo taa aalukua mu nene oluidi, no taa hepekua kiilalo iuinaji no kuvu uukuano no kape na omukuaci, Selma u uuvie ohe nda momuenjo gue, nokua tameke okuipula: „Ondi nokuninga ngini?”— No shaa tuu u uvu Missioni ta pula ngele pe nomudoktora a hala okuja kaamba mbo, oje okua mono ehala lja Kalunga oljo tuu ndjo: Selma Rainio e nokua ko.

Pecimbo ndijaka iiauto nenge omakambamba inaga monika. Selma Rainio sho kua ciki ku Africa okua tula iinima je ketemba ljoongombe mOmaruru nok a ende aljo sigo a ciki kOlukonda momandaha eti 14 mu Desember 1908. Oje a langekua tango kOniipa. Shaa tuu a ciki ko, a tameke okupanga aavu. Ojo oja li po ojendji omoli ondjala ja li ja gee pecimbo ndijaka. Oje a kuacua ku Selma Santalahi na Silvanus linkono.

Kuku Rainio okua panga mOniipa oomvula mbali, ihe omumvo 1910 okua zimima kaakuluntu ja Missioni a tungilue onasaresa pahue.

Omuhongi Vaananen, oje omumati omugundjuka manga, okua tameke okutungua ongulu mOnandjokue. Ongulu oja ningi onene ji vule ongulu adihe pecimbo ndijaka miilongo mbika. Oondunda 15 oda tungua uo okulala aavu naakaleli. Ihe ondunda jipeleki oja kumica aandonga, inaje ji mona shito. Aahongi Vehanen, Rautanen, Tylvas na Vaananen sho ja londo konbanda, no ja tameke oku ji pangela noku-denga oondungu — iihuna! Ekolokoto li cike peni! Olju uuvika kokulekule. Aapagani oja haluka uunene: „Omvula otai ti ngini? Otaji ja tuu? Itaji tila okuja? Aahongi tu ja tideni po! Tu hanaguleni ongulu!”

Ihe Kalunga okua gamene aatumua je. Oje okua dimi ondjahi jaapagani. Ongulu ja puu okutungua. Aapagani je ja mo, na Kuku Rainio a tameke oshilonga she oshinene sha jambekua ku Kalunga. Omumvo 1911 mesiku eti 9 mu Juli omuhongi Hahti, omukuluntu gua Missioni, okua japula Onandjokue ji ninge ongulu ja Kalunga okukuaca aavu ajehe mboka taa kongo mo ealudo.

Ngashingeji Onandjokue ja koko, kaji shi ne okanona. Aatameki jilonga kape po ue. Kuku Rainio ota tegelele esiku ljejumuko mokati kaaambo moNiiteua. Selma Santalahi ote li tegelele mu Suomi kaandjauo. Karin Hirn na Meme Kuukende inaa cika ko manga ke-vululuko ljaajapuki, o e li mu Suomi. Oondoktora 3 ja landula nokuli Kuku Rainio, naahungi aasuomi 25 oja landula aahungi mboka aatameki.



Kuku Selma Rainio.

Onandjokue oja ningi jina jaanona ojendji. Nokua kala je muene muuehame onindji. Oja kondjicua noondjala mbali oodigu. Ondjala jotango omumvo 1915 hanga je ji dipaga nokuli, ngashika ja dipaga auuambo omajovi. Omvuvulue oja kuata aasuomi ecimbo necimbo, oshoka opua ningi ngashika na'e, Omuaa sho kua ti: „Ilonga oji li po ojindji, ihe aalongi oje li po aashona.” Ihe uudigu mbuno uunene ua ningi he jaanona jOnandjokue. Iipangelo iipe, oje tuu ongundu jimue jaanona. — Nena oji li po 16. Okagumbo kaakadona ka tamekua ku Anna Rautaheimo okukuaca aakadona moluhepo luauo, oko tuu uo okanona kOnandjokue, nando oka kucua mo mbalambala ku jina, ka koko nokuendelela. Nena uugumbo uakadona on li po 8.

Oskola ja ahungi ja tameke okuputuda aagundjuka omumvo 1930. Moskola mua pita mo aahungi auuambo 63 nokuli.

Ekuaco okukuaca aavalakadi. Aakulukadi ojendji oja kuacua kOnandjokue nomiipangelo iikuauo. Ihe ojendji nokomagumbo gauo uo oja kuacua kaakadona mboka ja longua mOnandjokue okuhunga aavalakadi.

Auuambo oja iigilila okukonga ekuaco kOnandjokue no miipangelo iikuauo. Omumvo kehe ongundu jaakongi jekuaco otaji incjipala. Oshilonga osha ningi oshinene, ihe natango tuu tashi koko, oshoka natango tuu ope naantu itaji inekele Kalunga, itaji inekele ekuaco tali zi moongulu doka da japulilua mejakulo ljaavu. Ihe opo taa tameke okuholoka ogumue na gumue no muaamboka uo. Onke otatu ti: oshilonga tashi koko no natango.

Ihe oshilonga shOnandjokue kashi shi okupanga omalutu gaantu ageke, ihe okudimbulukua oomuenjo dauo uo. Aapagani ojendji oju uvu oohapu dOmuaa mOnandjokue. Aashunimonima ojendji oji itedulula sho ja tameke okuuva isheue elaka etoje nkene tali ja icana. Mboka ja man'oondjenda dauo, oja mona etalaleko ljokomuenjo, sho ja popicua kaalongihapu jomonasaresa. Atuheni tue ja dimbulukua, nando oje uo oja kala mo ojendji. Uunene tatu dimbulukua uudiginini ua Sister Karin Hirn nomusamane Natanael jamukugo nomusita guokOnandjokue guongashingeji, Abisai Henok. Kalunga okua jambeke ilonga jauo ajehe.

Eeno, Onandjokue ji li po ngashingeji ja foshilando. Esiku kehe monasaresa omu naavu je vule 100. Aantu mboka taa kongo omi koshipangelo nenge taa uendua kehe esiku oje li mo je cike pu 80—150. Aakalele, naahungi jaavu naalongua, ajehe kumue je vule 50. Aasuomi oje 15. Na aluhe aantu ojendji taa kala mokujakula oojakuauo mboka taa lala monasaresa. Eeno, mOnandjokue mu naantu ojendji. Onke tapapumbiua oongulu noondunda odindji. Oondunda daavu oonene odi li po 42. Aatungi ojendji aasuomi naauambo oja kala metungo ljonandjokue. Omusamane Festus iliputa e vule aatungi aakuauo ajehe mokukala ecimbo ele moshilonga shika.

Oshilonga shOmuaa sha longua mOnandjokue, o-tashi tu kumica. Tua tala etameko ljashe eshona, no tua tala nkene sha koko sigo nena. Inashi koka kehalo ljomuntu, aue. Tu shi shi Omuaa Kalunga muene okua guanica ehala lje maavu mboka ja aaludua. Oje a longica oondoktora naahungi naalongihapu naatungi pahalo lje. Onke otseni atuheni tu hambeeleni Omuaa moluohole je no moluesilohenda lje, sho kue tu kokicile Onandjokue, ekuaco ljetu enene. Natse uo atuhe mboka tua peua eha okulonga mo omoluesilohenda ljonmua otatu ti:

Sigo nena Kalunga okue tu kuaca. Edina lje nali hambelelue.

OONKUNDANA OOMBUANAUA.

Aagun ljuka aanajena naanjanja naantananga naalukonda oja li ja ningi oshituci shauo mOlukonda meti 22—24.6.51.

Oja kundua nepopico ndika; Omuaa oku li mpaka no te ku icana.

Epopico ndika lja egulula shili iijeelo joomvenjo dauo noja mono ompito okupulakena shoka Omuaa kue ja icanene. Omapopico ga li po ogendji gi ili na gi ili, noga cindile oomuenjo detu mOmuaa nguka kue tu icanene mpejaka muuike uomasiku ngoka. Otse atuhe notua kuatua shili kenjanju, oshoka tua dimbulula oonkondo dOmuaa, sho da sindi oonkondo detu duugundjuka. Notua li tua dimbulula ukatalume uetu nuugoja uetu, sho tua hala ouala okukala moondu-nge doka domomilema. Ihe Omuaa ngoka kue tu icanene mpejaka e tu hololele oonkondo, kutja oje oonkondo detu. Nonando tati hala oku mu holama, oje okua hala tu holoke muielele ue.

Ojindji Omuaa kue ji tu ningile mpejaka, ando ndi ji hokolole, ando omutse guandje otagu topa pokati okoondondo dOmuaa sho a hala aalunde tu hede kuje. Nonando tua lombuelua kutja hukua ko oongaku, eeno shika sha li po sho opala sha touala sha tungala naua. No inashi ninga ue ngompango nenge egando, aue, osho elombuelo euanaua.

Tua kumagidua kOmuaa sho ta ti: Itonateleni oomuenjo deni daa vulicue kiituci juusiku nokuunkolui. Mpaka tse atuhe tua cikama shili montompo onde. Na mpaka Omuaa okue tu icana uo, notua dimbulula okukala kuetu, sho ku li po kua nika uujuni. Omugundjuka omukuetu, ua icanua tuu kOmuaa, no mua papi tuu ne nOmuaa Jesus? Oje oku li mongerki jaandjeni te ku icana, noshu tuu uo maandjeni, shaa mpoka ote ku icana. Ua jamukula tuu?

Oshituci sha tja ngeji osha pumbiua shili kutseni atuheni, aagundjuka aakuetu ne. Kalunga na hambelelue shili!

Th. Nakanjala.

JOOLOLELI NDJE BARNABAS NA SAULUS JA KA LONGE OSHIKONGA SHINO NDE JA ICANENE.

Nani kehe tuu omukriste nenge tu tje omulongua guongandi nge ta putudilua uulongi nenge uuevangeli-ste oku na oshilonga she muene shoka Kalunga e shi mu joololele e ke shi longe.

Esiku limue manga tua li po ongulohi, tua uvu shili cui lja Kalunga, ngashika naanaa ndijaka lja ti: „Joololeli ndje Barnabas na Saulus ja ka longe oshilonga shino nde ja icanene.”

Esiku ndoka tua li tua kumua shili. Oshoka mokukala kuetu naalongua oojakuetu mboka ja kucua po ku Kalunga, opo ja ka longe oshilonga shoka e ja icanene, kua li tua inekela naanaa kutja tatu ka longa oshilonga shimue najo. Nani Omuaa Kalunga okue ja icanene oshilonga shauo shi ili, nokua njanjukua shili, ngele taje ke shi longa nenjanju.

Omukriste ngoje u li megongalo to longo oshilonga shoje, ou shi tuu nokutja Kalunga ta pitike u kale mokulonga oshilonga shoka u li mo, ihe nani ha sho e ku icanene? „Joololeli ndje Barnabas na Saulus ja ka longe oshilonga shino nde ja icanene.” Oluindji tse nanjoje omukuetu tua jemateke shili Omuaa Kalunga mokutindila miilonga jetu moka Omuaa ine tu ucila. Nando aluhe ta ti kutse: „Inda u ka longe oshilonga shino nde ku icanene.” „Aaje ee.” Tua fa ashike tua diladila kutja moka ndi li mo, omo tuu Kalunga a ucile ndje. Aaue omukuetu, tu nokutala keembinga adihe.

Otaku tiua: Aaisrael sho ja li kondundu ja Sinai, oja li haa uvu ku Moses shono Omuaa e ja lombuele. Ano na tse uo sho tu li muka, elombuelo ljetu ohali zilile maantu. Ngele megongalo nenge momusita guegongalo nenge momuhongi, kutja: „Andola u ka longe oshilonga shino nde ku icanene.”

Omukriste omukuetu, ou shi ngele ua lombuelua ku Kalunga u ka longe oshilonga shino e ku icanene, ote ku njanjukilua ngele ua tindi ko? Aaue, nando esiku limue. Te ku njanjukilua unene shili, ngele ue shi zimine.

Ongoje omukriste omukuetu, esiku limue to ka adika keui ndika, nenge ua adika nokuli kuljo. Ngele ua hala shili okunjanjada Omuaa, vulika keui lje.

S. Sikongo.

KALUNGA OMUAALUDI

Ku Suomi kua zi ombirive. Omusamane gumue a hala okuhokololela auambo, Kalunga shoka e shi mu ningile, e tu tumine ngeji onzapo je jokuhokolola oonkondo nesilohenda lja Kristus. Ombirive oja njolua 2.5.1951, no taji ti ngeji:

Pocinge 1948 onda li ndi noshitumbuka ponjugu, na mpoka pua tameke okututuma iipulu sigo ja taande pompadu. Onda ji kondohtora, no nda peua omuti, ihe inagu kuaca ndje nando. Onda ji kondohtora jiili no jiili, ihe ajehe oja njengua. Uuvu uandje ua tana ouala sigo olutu luandje aluhe lu uda iipulu sigo okomutse. Oshipa ashihe sha jomuka po, niipulu ja zomeja sigo ongula kehe omadrassi jandje, nkoka nda lalele ko, oja tuta nokututilila komeja giipulu jandje. Oonkondo dandje da nkundipala sigo inandi upa ue okuenda, niikaha jandje ja kakama kuunkundi. Nge nda kuata okakopi ke nomeja, otaga hunga ouala.

Onda ji natango kondohtora gumue, ihe oje a lombuele ndje: „Ngeje ito aaluka ne.” Onda li ndu uvite shili oluhepo luandje, ihe opo mpoka ndu uvu eui ljo muua tali ti: „Icanena ndje esiku ljuudigu uoje” nomomuenjo guandje nda zimine: Eeno Omuaa, ngele ngoje ue shi hala, otandi aaluka. Esiku tuu ndjoka oljo eti 12 lja November 1948 potundi 12, sho ndu uvu eui ndika mondjugo jondohtora. Esiku tuu ndjoka alihe komatango no sigo uusiku omuenjo guandje gua kala megalikano okuindila ohenda. Ongula sho nda penduka petata ljontihamano, ondu uvite isheue, nkene omeja taga zi momutse guandje, ihe omukulukadi guandje shokua tala ndje, okua ti, itam zi ue sha. Opo mpoka pua tameke oshikumica. Omauvito ngoka gandje ga tameke komutse, no shaa tuu ga heda palue, opo mpoka pua aluka. Pontimugoji ongula nda aluka sigo pontulo, nongulohi nda aluka sigo pomagulu apeke pua monika kashona. Ponjugu mpoka pua tameke uuvu, mp ka apeke pua cigala natango kashona, ihe sho nda tula ko omuti, nde gu peua kondohtora, na mpoka pua aluka. Ina u ci ala iijadi ja sha, ihe oshipa ashihe osha jela. Oonkondo dandje da galukile ndje uo enkenke. Esiku ndjoka nda aaluka, olo etihamano. Momandaha nda ji miilana jokupanda iikuni, no nda longo omutenja aguhe ngashi oonjololele.

Ilongankondo ja tja ngaaka magumbo ljaandietu ja li 9 ja landulacana. Osho ngeji Kalunga a okui ijelicile kutse, opo tu kale tui itaala Jesus oje Kristus, no ku nomuenjo, oshoka Kalunga e mu jumuda.

Vilho Vainikainen.

AALUDENI AAVU.

Oondunge daapangi noonkondo domiti dokuaaluda aavu, odo omagano ga Kalunga mokati ketu. Oje nge te di jambekke, odo otadi kala di nekuaco, oshoka ealido ljaavu, oljo oshilonga sha Kalunga. Oje tuu ta ganda omuenjo, oje tuu a jalula omasiku gomuntu, noje tuu ota aluda omuvu, ecimbo ljomuntu ljomujuni ngele inali adika lja pua po.

Ihe Kalunga ina mangelua komiti a ike. Aalungua sho ja njengua okualuda omunashitona, Jesus ote ja lombuele: Oludi nduka ihalu tidua mo koshinima shilue, okegalikano tuu alike, neidiliko ljiikulja.

Ealudo ndika ljokegalikano uo inali kana mo me-gongalo sigo onena. Shimue ashike tashi li imbi uu-nene, osho okuaaitaala. Jesus okua njengua okulonga iilongankondo mu Nasaret, oshoka aantu jamo inaje mu itaala. He jomunashitona ota galikana Jesus, no ta ti: „Nge to vulu sha, tu silohenda.” Jesus a fa te mu ganda ta ti: „Ngele to vulu sha, ua ti. Ongoka i itaale, ita njengua ku sha.”

Omagano henda ga Kalunga oge li ko opendji. Gumue ta peua oohapu duunongo, gumue oohapu duuino, gumue eitaalo, gumue gokualuda aavu, gumue omagano giilongankondo, nosho tuu guuprofeti, no-gokujoolola oombepo, nogomalaka giili no giili no gokufatula onalaka. 1Kor. 12: 8-10.

Egalikano tali vulika kuajehe, ihe Kalunga oku na tuu mboka je, ote ja zaleke noonkondo dokuaaluda aavu kegalikano na ngashingeji uo. Ku Amerika oku nomuevangeliste gumue ngashingeji a aaluda aavu omajovi nomajovi. Aavu otaa icanenua miigongi jauo. Tango tapu uvicua oohapu da Kalunga, opo omuevangeliste ngoka, edina lje **Bramham**, ota galika-

nene aavu. Ojendji ja aaluka ngeji, ihe naje uo ita vulu okualuda omuvu kehe, aue, omboka ajeke je neitaalo.

No mu Suomi omu na jamue je nomagano ga tja ngaaka. Ondi shi shi no kOuambo oku na mboka ja aludua kegalikano nando huka inapu holoka omupangi ngoka a alda ngeji aantu ojendjijendji.

Kehe tuu ngoka ta peua ehololo ljo mbepo okulogela ajehe. 1Kor. 12: 7. Omagano ga Kalunga ogo gokutunga egongalo no gokukoleka eitaalo.

Ando onaua, one mboka mu aaludua kegalikano, ngele tamu njolele Omukuetu mu hokolole pafupi ekuaco ndjoka mu li peua, eitaalo ljetu li kolekue ngaaka.

Ngashi ngame nda ningi omasiku ndi nomajego tage ehama, nomiti inadi kuaca ndje nando. Uusiku umue nda vulua shili nuuehame uandje, no ndi kuatele koohapu domuprofeti Jesaja tadi ti. „Uuvu uetu okue u humbata.” Onda galikana nomuenjo aguhe Kalunga a alude ndje, omolua shoka Jesus a humbata uuvu mbuka uandje uo. Ecimbo tuu ndjoka uuehame nde u kucua. Ngashingeji pua piti omimvo 28 okuza kesiku tuu ndjoka, ihe uuvu mbuka inau galukila ndje ue.

L. L.

OMUENE OMUFITA UANGE.

Ovakriste ovakuetu, efimbo ola ehena popepi, omufita omukuluntu te uja okuila ovakulilua vaje, e va tuale metulumuko laje. Amejo omukulilua uaje, nonda peua ohonde jaje, ndele nando ongaha, ame ohandi lilile okukulilua kuange, nondi na oluhodi momuenjo uange, saasi luhapu nda suna. Omufita omukuluntu momano nomomifitu dinene oku nokukonga nge. Mokutala onjuni ou uopaife ou li sili popepi nokupua po, ondubo, omalandilo, oipupulu, ouhalu, omakufafano po oihokolola idjuu. Eedunge dii di jadi po paife. Oikoluifa ja handuka nomokunta ovantu va kala ovadini voipaluifa ja Jehova. Eembe, zenjadi, eenguiju n. sh. t. Uo! Oudiyo na hokiina sili nai. Nopo omufita omunene uovantu a handuka. Eembe inadi ima naua, omimvo imue nando ombe imue, omikuiju itai pi naua, omangongi a a tukua. Omaongo inaa ima, jo ina va nangala moihana neudo. Omufita ta lifa naua, ndele ovantu va ninga oingulu, naame oso ndi li po nana. Nande na peua onkenda jomuene nde i lja-ta unene. Ndele nando ongaha, omufita e hole nge tuu nana, omupopili Ompepo jalje ta ongele nge nohole jaje. Onke ookaume novalunde, kondeni pamue na ame mu kondjele nge okutuala nge komufita ueedi, ame ou odi ingone nda kuatua komano, nonda kala omupika uomano, ndi ha like po seke kongosi satana. Ovakriste, tu lungameni. Omue ne ta ti votete hatu ka ninga vahuuminua. Tala, ove ota longua, ove ua kala omutuali uovapaani moulai uavo. Nge hai tale omukunda uetu ouo uovapaani, omaambo ovakriste e li 7 aeke. Ofje ovasike? Onje jo koilongo nomomikunda deni ovasike, ovasili vovapaani, ile ovamuenekijovapaani, mokunua pamue novapaani? Ovapaani otave uja ngalipi, nani oukriste kau na ejololo noupaani? Naame jo oukriste nange oso u li po nana. Ondi si si sili, Omue ne ta sekua omolu ouhalu uange uopambelela, noso Omukulili uange, ondu udite nana, ntumbi ta popi omalaka aje momuenjo. Ove omulunde omukuetu, oto udu tuu omalaka nando a sa muove? Ookau, oonjuni ua hula po, oilonga nomalaka ovantu taa holola efeto li li po tali fikama.

„Omue ne omona ua David, fila nge onkenda.” Je ita efa ina filonkenda. Tu indileni tu he nedimboko.

M. Avese Israel.

EAMENO LA KALUNGA.

Ovakuetu puilikinene esi Kalunga a ningila nge modula ei 1943. Onda li mosihakulilo pamue novanauu ovakuetu. Otua li monduda imue tu fike apa 6. Ndele Omue ne Kalunga ta tameke okuja mokati ketu. Ovakuetu avese vatano ovo va hulifa ouenda uavo, hanga na ame jo nda ja.

Hano ame pama ohandi ti, ondi na kulonga si fike peni, ndi sive okufuta Omue ne Kalunga pamue nOmukulili, esi a kufa nge meso nda li nde li tala, ovakuetu so tava i. Heno, efjo kali na nkenda nando nomuntu. Landula Jesus manga u li mounjuni.

Simon Hedimbi.